



SOALAN LAZIM (FAQ'S)
PERINTAH KAWALAN PERGERAKAN 3.0
KEMENTERIAN WILAYAH PERSEKUTUAN
1 JUN HINGGA 14 JUN 2021

TRAK VAKSIN BERGERAK MYMEDIC@WILAYAH

- 1) Apakah usaha Kementerian untuk meningkatkan kapasiti kesihatan awam warga Wilayah Persekutuan?**

Dalam usaha untuk meningkatkan kapasiti kesihatan awam warga Wilayah Persekutuan, Kementerian Wilayah Persekutuan (KWP) mengambil langkah proaktif bagi merencanakan lagi Program Imunisasi Covid-19 Kebangsaan (PICK) dengan melaksanakan **program suntikan vaksinasi Covid-19 melalui Trak Vaksin Bergerak MYMedic@Wilayah.**

- 2) Apakah matlamat utama program Trak Vaksin Bergerak MYMedic@Wilayah?**

Matlamat utama program ini adalah bagi membolehkan warga Wilayah Persekutuan mendapatkan akses untuk vaksinasi Covid-19 dengan lebih pantas selain mengekang penularan wabak Covid-19 dalam kalangan komuniti yang *hot spot* dan berkepadatan tinggi seperti Projek Perumahan Rakyat (PPR) dan Perumahan Awam (PA) DBKL di Wilayah Persekutuan Kuala Lumpur.

- 3) Siapakah yang menganjurkan program suntikan vaksinasi Covid-19 ini?**

Program ini dianjurkan oleh Kementerian Wilayah Persekutuan melalui DBKL dan Yayasan Wilayah Persekutuan (YWP) dengan kerjasama Kementerian Kesihatan, Badan Bertindak Imunisasi Kebangsaan (CITF), Jabatan Kesihatan Negeri Wilayah Persekutuan dan Angkatan Pertahanan Malaysia (APM).

- 4) Siapakah yang menerima suntikan vaksinasi Covid-19 ini?**

Suntikan vaksinasi ini menyasarkan **20,000 orang penduduk di 63 Projek Perumahan Rakyat (PPR) dan Perumahan Awam (PA) DBKL di Wilayah Persekutuan Kuala Lumpur** yang telah didaftarkan dengan keutamaannya kepada warga emas dan golongan OKU.

- 5) Bilakah program suntikan vaksinasi Covid-19 ini dijalankan?**

Program suntikan vaksinasi ini **bermula pada 7 Jun 2021** dan dijangka selesai menjelang hujung tahun ini.

- 6) Dimanakah program suntikan vaksinasi Covid-19 Trak Vaksin Bergerak MYMedic@Wilayah ini dijalankan?**

Program suntikan vaksinasi Covid-19 Trak Vaksin Bergerak MYMedic@Wilayah akan dilaksanakan di 63 lokasi PPR/PA DBKL.

7) Apakah jenis vaksin yang akan diberikan?

Jenis vaksin yang diterima adalah ditentukan oleh pihak Kementerian Kesihatan Malaysia (KKM).

8) Bagaimana program suntikan vaksinasi Covid-19 ini dijalankan?

Semua individu yang mendapat suntikan vaksin telah didaftarkan terlebih dahulu dan menerima suntikan mengikut slot jadual yang telah ditetapkan seperti yang tertera di dalam aplikasi MySejahtera masing-masing.

Sebanyak satu (2) unit trak vaksin bergerak MYMedic@Wilayah digunakan dengan setiap trak mempunyai kapasiti 500 dos vaksin. Proses vaksinasi yang dijalankan bermula jam 9 pagi hingga 4 petang dengan pematuhan Prosedur Operasi Standard (SOP) yang ketat. Pergerakan penerima vaksin dikawal selia oleh anggota PDRM, Penguatkuasa DBKL, APM dan RELA bagi memastikan tidak berlaku kesesakan dan mengikut penjarakan fizikal yang ditetapkan.

9) Adakah dokumen pengenalan diri perlu dibawa penerima ke lokasi vaksinasi pada hari tersebut?

Ya. Penerima akan diminta untuk menunjukkan dokumen pengenalan diri (MyKad atau pasport) untuk didaftarkan di dalam sistem MyVAS.

9) Adakah penerima yang mempunyai masalah kesihatan boleh menerima vaksin Covid-19 pada hari tersebut?

Sekiranya penerima tidak sihat untuk divaksinakan, penjadualan semula atau pembatalan akan dilakukan oleh doktor perubatan.

10) Adakah pesakit yang terlantar boleh menerima vaksin Covid-19 ini?

Semua pesakit terlantar akan diberikan vaksin pada satu tarikh yang lain dan akan dijalankan di rumah mereka sendiri.

11) Siapakah yang mengendalikan suntikan vaksin Covid-19 ini?

Suntikan vaksin Covid-19 ini dikendalikan oleh Pegawai Perubatan bertauliah dari Kementerian Kesihatan Malaysia (KKM).

12) Apakah prosedur yang perlu dilakukan sebelum mengambil suntikan vaksin Covid-19 ini?

Penerima dikehendaki untuk mengisi Borang Persetujuan Suntikan Vaksin Covid-19 pada hari penerimaan vaksin sebagai bukti setuju terima suntikan vaksin tersebut.

13) Bolehkah saya menolak untuk menerima suntikan vaksin Covid-19 ini?

Anda boleh memilih untuk tidak menerima vaksin kerana penerimaan vaksin Covid-19 ini adalah secara sukarela. Sekiranya anda adalah petugas barisan hadapan, mempunyai penyakit kronik dan warga emas, penerimaan vaksin ini boleh mengurangkan risiko yang lebih serius terhadap penyakit apabila anda dijangkiti.

14) Adakah saya diberi pilihan untuk memilih jenis vaksin Covid-19?

Tidak. Penerima vaksin tidak dibenarkan untuk memilih jenis vaksin Covid-19 yang akan diterima. Ia bergantung kepada bekalan stok sedia ada di lokasi vaksinasi.

15) Apakah perkara yang perlu dilakukan selepas menerima suntikan vaksin Covid-19?

Setelah menerima suntikan vaksin COVID-19, penerima vaksin perlu:

1. Berada di ruang pemerhatian yang ditetapkan sekurang-kurangnya selama 15 minit.
2. Anda mesti memaklumkan kepada petugas kesihatan atau mendapatkan rawatan segera sekiranya anda mengalami tanda-tanda berikut selepas menerima vaksin Covid-19:
 - a. Kesukaran bernafas
 - b. Pembengkakan muka, bibir dan tekak
 - c. Denyutan jantung yang sangat cepat
 - d. Ruam teruk timbul di seluruh badan
 - e. Merasa pening dan lemah tubuh badan
3. Penerima vaksin perlu sentiasa mengamalkan norma baharu dan mengikuti langkah pencegahan penyakit Covid-19.
4. Anda perlu menyimpan kad vaksinasi yang diberi oleh anggota kesihatan.
5. Apabila anda mendapat dos pertama, anda akan diberi kad vaksinasi untuk menunjukkan bila anda perlu mendapatkan dos kedua Vaksin Covid-19

16) Adakah suntikan vaksin ini akan memberikan kesan sampingan kepada penerima suntikan?

Pengambilan vaksin Covid-19 ini mungkin akan mengakibatkan kesan sampingan yang ringan seperti dinyatakan di atas. Sekiranya anda mengalami kesan sampingan selain yang telah dinyatakan di atas, sila lapor ke klinik kesihatan terdekat dan dapatkan rawatan dengan segera. Terdapat kemungkinan kesan sampingan yang lain yang belum dilaporkan.

17) Bagaimana saya boleh mendapatkan maklumat lebih lanjut mengenai program vaksinasi ini?

Sebarang pertanyaan lanjut mengenai program suntikan vaksin Covid-19 Trak Vaksin Bergerak MYMedic@Wilayah, anda boleh menghubungi **Bilik Gerakan 24 jam DBKL di talian 03 9226 1112 / 03 9226 1312 / 03 9226 3112.**